

# SCRIPTA

---

**Numéro Scripta :** 2175

**Auteur(s) :** Raoul Labbé, de Saint-Germain-du-Chemin [particulier]

**Bénéficiaire(s) :** Guillaume Bertran, Fontenay-le-Marmion (seigneur)

**Genre d'acte :** charte

**Authenticité :** non suspect

**Datation :** 1276, décembre

**Lieu d'émission :** Saint-Germain-du-Chemin

**Action juridique :** vente

**Langue du texte :** latin

## Analyse

« Cest la lettre de Radulf Labbé de Saint Germain du Quemine(analyse du milieu du XIVE s.) ». Raoul dit Labbé, de Saint-Germain-du-Chemin, vend à Guillaume Bertran, écuyer, seigneur de Fontenay-le-Marmion, des terres et redevances à Saint-Germain-du-Chemin pour 27 livres et 13 sous tournois.

## Tableau de la tradition

### Éditions principales

a. Saige Gustave, *Cartulaire de la seigneurie de Fontenay le Marmion*, Monaco, Imprimerie de Monaco, 1895, n° XLIII, p. 61-62.

Texte établi d'après a

Sciant omnes presentes et futuri quod ego Radulphus dictus Abbas, de parrochia Sancti Germani de Quemino, vendidi et concessi et omnino dimisi Guillelmo dicto Bertran, armigero, domino de Fonteneto le Marmion, pro viginti et septem libris et tredecim solidis turonensium, quos inde mihi dedit, videlicet duas pecias terre sitas in territorio dicte parrochie Sancti Germani, quarum una est super queminum Caucie, inter terram Guilleberti le Brabenchon, ex una parte, et terram Johannis Doucet, ex altera. Et alia pecia est in capite cortillagiorum inter terram Radulphi Willemin, ex una parte, et terram Roberti dicti Abbatis, ex altera. Iterum viginti solidos turonensium, sex capones et duodecim denarios turonensium redditus annualis que debent Michael Fromont et Erembourca les Carse ; videlicet dictus Michael quindecim solidos turonensium ad festum Sancti Dionisii, quatuor capones et octo denarios turonensium ad Natale Domini et sexaginta ova et octo denarios turonensium ad Pascha, ratione duorum masnagiorum que tenet idem Michael feodaliter per homagium, tam racione sui, quam racione Agnetis uxoris sue, sitorum in predicta parrochia Sancti Germani, quorum unum est juxta masnagium Guillelmi Caanterel, ex una parte, et masnagium heredum Guillelmi Valteri, ex altera ; et aliud masnagium est juxta meam, ex una parte, et masnagium dicte Eremborque, ex altera. Et predicta Eremborca debet de dicto reddito quinque solidos turonensium ad dictum festum Sancti Dionisii, duos capones et quatuor denarios turonensium ad Natale Domini, et triginta ova et quatuor denarios turonensium ad Pascha, racione cujusdam masnagii quod tenet dicta Eremborca feodaliter per homagium, siti in eadem parrochia Sancti Germani, juxta masnagium dicti Michaelis Fromont, ex una parte, et semitam molendini, ex altera ; tenenda et habenda jureque hereditario possidenda omnia supradicta bene et in pace, libere et quiete predicto Guillelmo et heredibus suis cum homagiis et justiciis dictorum tenemencium sine reclamacione aliqua mei vel heredum meorum de cetero facienda ; salvo jure capitalium dominorum. Ego autem predictus Radulphus et heredes mei dicto Guillelmo et heredibus suis predictas duas pecias terre sicut se porportant in longum et latum et omnem predictum redditum in dictis locis et hominibus contra omnes tenemus

garantizare, defendere et deliberare, et, si necesse fuerit, in nostro proprio hereditagio, ubicumque sit, valore ad valorem excambiare. Quod hoc sit firmum et stabile, sine contradictione alicujus, ego predictus Radulphus presentem cartam sigilli mei munimine roboravi. — Actum anno Domini M° CC° septuagesimo sexto, mense decembris, coram parrochia predicta Sancti Germani de Quemino.